

Don Pevli

Sta notizia la è arvata ad saseda
cum'è una sciupteda
e a sem arvenz sbalurdid
perché e va vi e nost prit;
an'avem vu ghenca e temp da pansè
che ma lò zà ui toca andè.
E dop e smariment
de prim mument
gema la verità,
ste Vescli sa tenti qualità,
che u s'aviva sopti conquistè
ades us fa un po rabiè.
Invici che e nost prit la cambiè
un'gn'era un'enta mosa da fè?
E senza voia ad discut
Francesc la pers un sac ad vut
e bsognarea dì
che un se po pete vù
perché tot i zomni che la trat so
is vo spusè da lò.
Don Peuli l'è da 19 an che l'è arvat
e un sac ad lavur la fat;
al dò cisi la sistemè
che mei di sé un putiva fè,
la cmenz una masa ad atività
la Caritas, la Gozla lè dal beli realtà.
I què l'è cum'è tot una famea
e quand un e va vea
tot as' santem un po smarid
e va vi anche la voia ad rid.
Ma i mumint bil che avem visù
in si purterà vi nisun
tot quel che la fat per tres so
an se zcurdarem piò,
tot i su insegnamint
in'andra fnì in gnint.
Per fil e per segn u sa imparè
cum as duvimi cumpurtè
t'ogni mument la vu per tot
paroli beli ad cunfort
sopra messag ad speranza e deva

e la su Porta, sopra verta la era.
Al su predghi dreti me cor agl'arveva
e dal volti anche mel al feva
perché al mitiva in discusion
una masa ad question
ogni tent e feva qualche scapeda
forse un po azardeda

ma deta da lò
a la mandimi sopti zò.
E quant us feva un po' rabiè
"uomo nero" a l'avem ciamè,
ma se avimi dal gati da plè
sopra da lò a sem andè.
L'è arvat e mument da fè
tot quel che u sa spiegghè,
forse sta sambugheda
l'è una bela riciameda
e senza discusion
ciapè la nostra direzion.
La det che l'è un modi per cres,
ma nun a stimi ben listes
a gimi che l'arvanzeva fina la pension
invici Castelvechio l'è la su destinazion.
Nun ai vresmi d'ì
che us pisrea d'andei drì

perché a sem sicur che anche ma lò
ai'mancarem un po'.
Aloura per sdramatizè
una proposta ai vlem fè,
a sperem chi lo sa,
nun a la butem i la,
per met tot a su ag
e sarea bel a fe un gemelag.
Sicur andarem a truvèl
se ui sarà e carnivel
e magari, perché no
a fe anche e zucon
e la Gozla chi lo sa
un farà un'enta anche i là.
Tot quel che i què la funzionè
un l'avrà piò da inventè.
Insoma, al gem da ades,

ad nun un sarà fezli sbarazes
e nombri e duvrà cambiè
se e cellulare un vra santì sunè.
E s'un pezg ad gelosea
ma chi se porta vea
ai vlem dì
che se un gni va ben chi se manda indrì.

Romani Luisa
Vergiano 17.06.09